

# Tèst di V.E.R.

## Departamentu di ENF

Telefòn: 432-1298 òf 432-1296

Ora di ofisina: 7.30 –16.00 or

Fecha di sita.....

Ora di sita : .....

## Tèst di V.E.R.

(Visual Evoked Response)

Ta un tèst pa midi funshonamentu di e nèrvio di wowo. Riba un pantaya ta mostra sierto patronchi, ku ta lanta un reakshon den serebro ku por midi riba kueru di kabes.

## Preparashon na kas

- ▶ Por fabor: drumi tempran e anochi promé ku e tèst;
- ▶ Bo kabei mester ta limpi, kier men: bo kabei no por tin gel, hairspray, pomada òf zeta aden;
- ▶ Bo por kome i bebe normal promé bo bin hasi e tèst.
- ▶ Si bo ta bisti brel òf usa brel pa lesa bin ku ne !

## Registrashon

Pa bo registrá bo mester mèldu **mei ora promé** ku bo sita, na e bali di Registrashon den edifisio di POLI. Bo ta ranka un number i warda bo burt.

## Bo tin mester di:

- ▶ Plachi di pòns di hospital
- ▶ Sédula, pasport òf reibeweis
- ▶ Papelnan di seguro (karta òf karchi di garantia, òf karchi di P.P., SVB, BZV)
- ▶ Un karta di referensha di bo dòkter( neurólogo)
- ▶ Si bo mes ta paga (= 'eigenrekening') por fabor paga di antemano na e kaha dilanti di departamentu di Emergensia. Bo ta haña un komprobante ku bo a registrá. E komprobante di pago bo ta mostra e sekretaria di ENF komo prueba ku a paga pa e saminashon.

Despues bo ta bai entrada prinsipal di hòspital i e pòrtir ta mustrabo e kaminda pa departamentu di ENF ku ta situá na promé piso.

## Preparashon p'e Tèst

E laborant ta bin buskabu den wagtkamer i ta hibabu e kamer di saminashon. Komo parti di preparashon ta limpia e kueru di kabes ku un gasa ku alkohol. Esei ta nesario pa e laborant por plak 5 dòpi ku waya fini (=electrode) riba bo kueru di kabes. E wayanan ta konektá na un kompiuter.

Ta plak un wowo sera k'un gasa. Promé e wowo robes, despues esun drechi.

## E tèst

Durante algun minüt ta lagabo wak e patronchinan riba e pantaya. Promé nos ta tèst bo wowo drechi, despues bo wowo robes.

Un kòmputier ta registrá e reakshonnan ku ta forma den serebro. Ora bo kaba ku e tèst, e laborant ta kita e waya/dòpinan.

Bo no ta sinti nada di e tèst.

## Durashon di e tèst:

mas òf ménos 45 minüt

## Final

Awor bo por bai kas, skol òf bo trabou nòrmal bèk.

Bo ta haña resultado di bo tèst serka bo neurólogo, despues ku bo a traha un sita kuné.

**Si akaso bo por hañabu strobá pa hasi e tèst, por fabor mèldu esaki di antemano na nos:  
Departamentu di ENF.**

**Telefòn: 432-1298 òf 432-1296**